





第一〇〇冊

四庫全書

●上海古籍出版社

本冊目次

王 范 潞
魏 太 公
公 史 文
集 集 集

宋王安禮撰……………一

宋范祖禹撰……………八三

宋文彥博撰……………五七三

欽定四庫全書

集部

王魏公集卷一
三

欽定四庫全書

集部三

提要

王魏公集七卷

別集類二宋

臣等謹案王魏公集七卷宋王安禮撰安禮字和甫臨川人安石之弟也登嘉祐六年進士第歷官翰林學士知開封府尚書左丞遷資政殿學士知太原府事蹟具宋史本傳安石兄弟三人惟安國數以正議見絀其文集亦湮沒不傳安禮位稍通顯史稱其以經濟自任而濶畧細謹故其生平一以知湖潤兩州與倡女共飲論罷一以貪論罷屢躡屢起蓋亦所弛於法度之外者然其知制誥時因彗星見極言執政大臣不察上惠養元元之意用力彈于薄瘠取利究于園夫其語皆以譏刺新法則于大體尚能持正固未可以一節概貶之矣其集本二十卷見于宋史藝文

欽定四庫全書

王魏公集

詳校官原吉士臣何道沖

檢討臣何思鈞覆勘

滕銖貢生臣吳士英

滕銖監生臣龍舟耕

滕銖監生臣孫永治

志陳振孫書錄解題者並同明葉盛菴竹堂

書目亦載有王魏公集六冊是明初尚有傳

本厥後諸家書目皆不著錄蓋自明中葉以

後已佚不存今從永樂大典散見各韻者裒

輯彙編釐為七卷其中內外制草頗典重可

觀敘事之文亦具有法度如沈季長元絳諸

誌銘尤足補史傳之闕以視安石雖規模稍

隘而核其體格固亦約畧相似也安禮封魏

欽定四庫全書

王魏公集
提要

公史所不載惟田畫所撰王和甫家傳有云

累勲至上柱國爵魏郡開國公食邑三千戶

食實封五百戶蓋宋每遇郊恩輒賜羣臣勲

封名號冗濫故史不盡載觀安禮所修靈臺

秘苑今著錄子部中者書前有安禮署銜一

條題上騎都尉劇縣開國男而本傳亦未之

及則其為史所畧者固已多矣乾隆四十六

年九月恭校上

總纂官 臣 陸 費 曄

總校官 臣 陸 費 曄

欽定四庫全書

王魏公集
提要

欽定四庫全書

王魏公集卷八

宋 王安禮 撰

詩

鴻鵠詩

鴻鵠暮宿梁日夜疑並梁蜻蛉善黃翔不為食飲留膠
絲竹并妙童子與我仇出處或類此明明君子羞近世
喜高論固知道沉浮榮顯非吉人赴海豈善謀萬事固
有理彼哉寧易求愛子智慮明吾言非暗投

欽定四庫全書

王魏公集

常州寄呂進之五言一首

我我霍邱上可以望九州裴裴蔡河底日夜無停留子與山水
近宜元亦少休登高望我居寄書託東舟非唯慰我思亦以
解事憂我欲問子訊水泥塞邪溝又欲識子處東山豈高郵惜
哉所處異會合寧易求何時春風來從我繁臺游

遊集禧中元東軒分題得東字

策馬從仙子探春遊帝宮峻此高尚志開軒池水東鴨
綠漾殘日樹碧留清風生我瀟灑思超然塵世中

昔日

昔日登名級天街是勝遊昔日初得志滿鬢未驚秋逸
馭乘風速運駕出谷幽瓊林頌宴處樓殿彩雲浮

丙寅九月二十日同蔣頴叔從長干雨中登高座

寺詩

珥節蕭帝寺驅車成子岡莽卉翳塗泥霖雨霑衣裳躋
攀踰百尋險滑步寸量生公不可見雨花空此堂當時
聽說法神鬼久已藏烟雲渺無窮淒風來我旁山川萬

欽定四庫全書

王魏公集

邑屋所見未忘芒屨言吾將歸重勞徒御將遲明義興
和宇宙觀瞻賜安行凌太虛曠朗觀八荒

送別范希聲

驛吏聞曉鼓僕夫樂展征叙別何草草君今千里行捧
檄近京國拜親還洛城層巒望太行慷慨無俗情嗟我
寔僚友追攀勞至誠贈言豈無意愛子智慮明抱才太
華高視利鴻毛輕世路有夷險君行常直清朝廷正博
采幕府詎久擢少別勉自愛他年看名卿

勉院輪麥二十二韻呈開父

自訟惡且鄙平生事辭翰為文謝超卓得祿未盈寸一
官走窮僻百事真龜勉昨者得州帖輪租被公選勉舍
只容膝侍立如牛喘逢逢鼓咽耳漠漠塵翳眼微風六
月息烈日四簷短一座灑腥雨萬夫揮汗斗升煩較
量朱墨謾為窺豈惟畏刑書農事寧可緩賴有葛衣翁
志趣頗高簡愛民一心勞慰我百憂遣誰入坐華堂玉
簞羅婉孌清樽近美付永紆依素扇賢愚定勞逸貴賤
欽定四庫全書

王純公集

三

酒單

妙絕因心匠華堂此集英輕塵避綠蟻窈影占香瓊醉
有陶彭澤狂如阮步兵甕頭難菊下棄擲任縱橫

捧香人

綺席延佳士香來似有情當年漫拱照終日費攜擎偶
以朱藍借還因刻畫成描勝海上客逐臭了平生

贈道光法師

聞名非一日許見便忘年宴坐得真陰與遊無俗緣杖
藜尋古刹洗鉢試幽泉稍寄鍾山約臨風但慨然

為愛

為愛詩家景分題畫幕寒生洞庭石翠滴華峯蓮側
羽天門過潛鱗海窟眼未饒元白輩爭購百金傳

欽定四庫全書

王純公集

四

中父禮院學士挽詞

漢殿曾親冊收科咫尺間文成疾翻水學富似登山夷
路方騰駕重泉忽掩關鄉人灑淚送猶想去車還

王夫人挽詞二首

僊去還疑嶺喪行指洛川松楸閑故壠笳鼓咽新阡制
詔隆名定銘詩具美傳王宮盡思舊雨泣望雲輶
啟國恩章稱頌恩典冊微都人瞻國薄王子泣縗衣落
日隨丹旄悲風引素幃西城供祖奠惆悵昔遊非

贈別君重安撫太尉

簫鼓紛紛倒酒樽，賢侯於此駐高軒。
平明受詔辭龍闕，睿聖分憂在雁門。
種落望塵迎漢使，吏民填道看王孫。
一瞻車馬人皆樂，寧識安邊策略存。

宿直二首

天上春風水外寒，瑤璃瓦濕月團圓。
十門納鑰塵飛遠，一夕聯文火禁寬。
人想析聲來睥睨，鳥驚花影墮欄干。
少陵老去唯便靜，此地優容欲報難。

欽定四庫全書

王國公集

燭淚淮淮罷賦詩，幅巾乘興步東西。
銀河逼夜光芒墮，玉宇參天次第迷。
稍夢荆江三里鵠，忽驚漢殿五時鷄。
平生出處無心較，亦似莊周萬物齊。

題靈壁蘭皋張氏園亭

池塘脉脉春泉動，亭館陰陰夏木涼。
砌藥亂風搖月色，簷枝留雪宿年芳。
四時氣象誰長見，一夜追遊我太忙。
從此與君攜酒後，夢魂應不隔滄浪。

次韻微之學士馬上口占

料峭風來午漏遲，壁門巖巖敞輕支。
侵尋出谷春鶯囀，約略營巢社燕期。
隱几稍同南郭客，盪盪中未望北山移。
值君佳句吟哦久，等是官曹得暇時。

遊齊山

曾隨嘉客在層巒，秋色陰晴一望間。
洞外暫來雲縹緲，林端時露水灣環。
維舟暇日來尋勝，經世高才却愛閑。
聞說使君歌舞去，盛遊應不減東山。

瓊林苑賜燕餞別留守太尉輒繼元韻

欽定四庫全書

王國公集

名德從來重四夷，朝廷今日見官儀。
陪祠自冠三公位，分陝猶為百辟師。
金谷望塵多舊舊，瓊林賜餞盡承疑。
都人喜看旂常美，寧識黜庸在鼎彝。

次韻僕射相公侍燕集英長句

天授嘉符帝祖宮，仙枝產秀福來崇。
金莖對峙靈根固，雲朵交升聖澤通。
法駕留觀知錫羨，從臣稱慶未辭窮。
詩人只解歌行葦，寧識君王造化功。

御沼環流瑞景長，集英宮殿紫宸旁。
香隨銀漏留春色，

花壓瓊筵闕日光仙樂緩調瞻鳳宸天人高拱對龍章
皇家多慶千官喜萬歲聲中獻一觴

春日即席有題

早是天涯多病客可堪春末少年時風流任使花王笑
懽樂除非酒伯知荆岫定為郊社器渭川終作帝王師
琅玕未實烟空老不恨年來紫鳳飢

七言一章贈別吳興太守中父學士兄

蓬山仙子任天真乞領南麾奏疏頻金鑰關邊解繡座
欽定四庫全書

王程公集

七

水晶宮裏得朱輪公庭事簡煩丞掾齋閣詩多泣鬼神
莫為行春戀茗雪鑿玻璃筆待詞臣

送盧大雅赴闕

簫鼓紛紛載酒醪送行汾水覺秋高吏民遮道瞻恩切
車馬還朝氣勢豪聖主詢謨忘旰昃明度收還盡英髦
看君才業何人似舒矣趨榮勿告勞

送呂陶赴闕

賦比相如已絕倫即論才識又名臣致身可但諸公右

發策宜為上國珍今日朝廷思謨直一時賢俊待經綸
行看致主唐虞術與笑淄川曲學人

送子玉赴闕

寂寞揚雄與世疎賴逢佳友慰窮居深沉智慮三冬學
磊落胸懷萬卷書自古賢豪今日盛看君才調幾人如
還朝好作登瀛客聞說元臣薦子虛

和踏青

踏青爭惜賞春葩盡日無辭到月華金谷正宜開錦帳
欽定四庫全書

王程公集

八

曲江翻想映毬車俠御醞藉歌飛雪遊女娉婷臉奪花
更詠漢宮傳蠟燭青烟散入五侯家

清明日賜宴瓊林苑奉酬宮使太師相公

清明春律十分回草色連雲花盡開禁禦幸隨諸彥入
安車仍賜上師陪百壺未許都門餞九奏先從帝所來
魚鑰恩留方錫勸柳邊遲日莫相催

送吳殿中知景陵

柘上論功使節臨奏書傾動士人林沙塢通籍霑新寵

澤國鳴弦試好音郭畔黃蘆宜日晚水邊紅橘與秋深
君才八九吞雲夢應笑離騷向此吟

贈無為張居士

余學無為無所成每聞風論便神清鄉人來問真如理
居士能忘物我情勝業久應三界護妙言非止百金輕
世途多少冥行客好與分明說化城

過王整狀元墓寄薛唐卿郎中

始任監州便殞身我來臨奠重悲君一名曾冠千人榜
欽定四庫全書

王魏公集

九

三尺龍如百姓墳古木帶風號晚照野花和雨泣秋雲
賢侯若為刊碑碣乞取東床內翰文

恭和御製上元觀燈

鑾輿清曉出瑤臺羽衛瞻迎扇影開鳳闕張燈天上坐
鷄林獻曲海邊來修文可笑秦無策能賦休誇楚有才

星漢未斜鈞樂闕君王宣示萬年杯

檢識全律體增

謹賦五言一章贈別致政太師

封國營邱近行廬洛水渾位齊師尚父名重相公孫敷

業歸宗祏威聲寄塞垣安居今日老魏闕此心存祖燕
臨華省賡歌屈至尊里門多喜色雲漢在瑤琨

奉和留守太尉賜燕王津園

將相儀刑久師儒典冊新乘車朝魏闕銘鼎頌與人高
會開名苑多權決輔臣優詔分巨麗宸藻賜全醇自昔
脩天爵平時秉國鈞誰如始終遇奕葉荷君仁

上王端明生日

夢帝寶良輔生申協聖期妙齡談國體初筮得家規侃
侃當官色循循待士解法冠曾觸佞諫紙詎容私外歷

王魏公集

十一

蕃宣久歸參待從宜政聲雖召杜學術本臯夔業履今
安匹賢勞上所知都畿重尹正延閣舊論思治出諸公
右經為大帝師三邊更惠愛一體繫安危先虜跳西夏
朝家念北陸祕庭還舊秩左轄正新儀暫屈并門重其
蘇晉國飢指麾柔旅拒談笑安寧冀鄴邑河急荆州
禱雨遯怒波回渾碯早種變京坻道與千齡遇身將百
祿隨民瞻方有裕天寵蓋無疑後人思皇日欽明樂胥

時編衣如寵慶願續武公詩

夢長

夢長隨永漏吟苦難寐鐘動蓋荷風勁沾裳菊露濃

寄君重安撫太尉

三伏重水上五臺葡萄生摘薦新醅鴈門太守佳公子
庭喜王孫擁節來

春日感懷

柳亭暮靄籠金眼茶嶺寒輕卓翠旗春色正濃人未老

欽定四庫全書

王龍公集

十一

擲觴飛筆好追隨

清明日賜宴瓊林苑奉酬官使太師相公

幾年留滯起邊愁只憶家園爛熳遊今日西來更愁索

却令人意憶并州

戎壘聲寒冷雲秋投老難堪此段愁說似旁人都不管

待覓書劄到并州

月扉繡屐想無蹤庭戶新涼綠簾空寄語金泥舊裙衩

莫教放盡石榴紅

西江月詞 附

梅好惟嫌淡汚天教薄與胭脂真妃初出鳳皇池酒入
瓊肌半醉東閣詩情易動南樓玉管休吹北人渾作
杏花疑惟有青枝不似

欽定四庫全書

王龍公集

十二

欽定四庫全書

王魏公集卷二

宋 王安禮 撰

制勅

賜夏國主詔

朕以爾膺受封爵世為藩臣職貢之修歲時無怠朝廷待遇恩禮加隆頃以權彊敢行廢辱達於予聽良用震驚常令邊州就往移問居而不報繼犯疆陲王師徂征蓋討有罪義存拯患非獲已焉今者遣使造廷辭禮恭欽定四庫全書
王魏公集 卷二
順仍聞國政悉復故常朕心釋然深所嘉納已誠邊吏無輒出兵爾其尊守先盟愈勵臣節永綏寵祿庸副眷懷

賜建雄軍節度使知定州韓絳獎諭詔

卿舊德偶望百辟具瞻出寄師垣四方是式善明紀律樂起事功粵惟保塞之方乃建緒完之議約徒簡費人用不勞版築告成實擴實壑內外無患方策所書省覽奏陳良深嘉歎

賜建雄軍節度使檢校太傅知潁昌府韓絳赴

闕沿路茶藥詔

卿德名兼重久寄方維就易近藩綏章來勸分頒之寵庸示眷懷

賜司空開府儀同三司致仕韓絳乞受冊禮畢隨班稱賀免赴詔

勅韓絳覽所劄子奏乞候受冊禮畢入殿隨班稱賀事具悉卿脫展軒冕順神丘園不為絕俗之高愈篤愛君之意喜聞冊禮請覲內庭在臣子之誠心卿為盡禮顧筋骸之未禮吾所未安宜免赴入殿隨班稱賀故茲詔示想宜知悉

賜太中大夫參知政事蔡確生日詔

祇承帝載參秉國鈞當摯欽之御辰屬誕彌之紀月宜頒異數用介多祥

賜參知政事趙鼎生日詔

律啟三秋冀敷七葉聚星辰之秀氣生柱石之良臣爰

舉賜常用增家慶尚保期順之壽迄成弼亮之勲

賜太中大夫知樞密院事孫固生日詔

地班左輔位冠右樞方邦采之仰成屬門弧之紀慶宜加餽錫俾介壽祺

賜邊鎮節度使加宣徽使制

門下登壇席寵外增方鎮之崇授鉞啓行內繫朝廷之重若時俊德休有顯庸爰擇剛辰誕敷成命具官材資冲茂器識闔深有折衝制敵之才有開物裕民之畧踐

欽定四庫全書

王程公集

三

更事任奮發猷為毀譽不回夙夜匪懈揆策圖事而國論惟允消萌禦侮而人望愈隆眷乘塞之巨藩實宿兵之要地緊爾鎮撫底於敕寧矣考僉同是加褒進永惟服采之懿寵以宣猷之華威名重于一方班著參乎四近率皆度德而授任曾匪為人而擇官膺於寤寐之求副爾士民之望於戲自古在昔維聖與賢知人則哲者世主之難能事君盡忠者人臣之大節懋乃攸績行之惟艱往其欽哉無替朕命

成州團練使駙馬都尉曹詩可特授光州防禦

使駙馬都尉制

勅朕致孝祖妣推恩戚疎厥惟近親宜有殊數具官某以賢選尚以善視身憂哀居廬克終喪禮置使禦侮位秩甚隆祇服命書往哉求稱

內殿崇班馮務本可內殿承制制

勅具官某爾祇職邊陲材勇自奮有功中率遽序厥官愈懇忠勤更需榮寵可

欽定四庫全書

王程公集

四

景福殿使入內侍省都知利州營內觀察使張茂則可特授延福宮使依舊入內侍省都知利州管內觀察使制

勅具官某靖恭廉直材行顯聞積勤累勞簡在朕志序於正內位望既崇會課有司應令當陞使于宮省其往懋哉

曹瑋降授左衛大將軍容州觀察使知萊州制勅下之比上在刑賞以無私君之馭臣蓋進退而有禮

苟涉比周之迹復懷覬望之情尚舉寬科用全大體宣

徽南院使鎮國將軍節度觀察留後曹瑋因緣舊族際會光朝膺恩顧以有殊踐官榮而不次出奉守方之寄入陪帷幄之謀屬兇人之擅權構逆暨而干紀遽因敗露旋就寬投頗彰朋附之端曲示含容之德止解重柄仍進崇資以嘗總於戎昭遂復委於邊要而乃為國生事輒擾於平民微時有功因念於前訓朕以肇承遺旨恭紹洪基將肅具寮用申丕律降居環衛之列遙分庶欽定四庫全書

王制公集卷二

五

問之權任以方州茲為薄責苟能省過姑務改圖當再進以示甄豈一音而斯棄服我寬假汝往欽哉可

兩制封父制

具官某父某廣譽令名自昭于世實有賢子為子適臣徽數寵名以鴻爾慶往安德善永介壽祺可

明堂軍員封父制

某父某宗祀于天均慶在位嘉爾有子為子爪牙錫以寵章往其祇服可

百官封父制

朕宗祀明堂禮成樂闋卷言列位榮祿達親宜有寵章示均神惠具官某父某躬率德善有稱於時教子義方致位通顯相予釐事迄用休成爰錫命書以鴻爾慶往其祇服永介壽祺可

百官贈父制

具官某父某朕昭事上帝得款于神中外臣工具茲福祿用嘉厥考爰錫寵章膺此命書尚榮寵寧可

欽定四庫全書

王制公集卷二

六

父任兩制子升朝官

自宮祖廟休享備成維顯及幽並均神惠具官某父某昔陪法從為國信臣才實行能自昭于世逝日逾遠賢聲不忘可

兩制贈父制

有孝有德相子明禮追命顯親是宜異數具官某躬率德善垂裕後昆為子寶臣名實兼稱嘉爾義訓錫之命書尚其恩榮聞於幽寧可

贈父制

某亡父某朕均神之休以勞天下嘉爾有後實將營屯
恩典寵章用昭幽窆可

宣德郎至奉務郎磨勘制

勅具官某考課之法存於審官爾服采有庸應令當陟
往來自稱惟既厥心可

馬軍都虞候金州觀察使燕達可依前官充馬
軍副都指揮使殿前都虞候深州防禦使劉永

欽定四庫全書

王範公集
卷二

年可邕州觀察使充步軍都指揮使制

勅熊羆之士保乂王家慎簡材良為之師帥具官某忠
謀武力更踐滋多入總管也有折衝消萌之略出乘疆
場有禦侮燕達既作執捍患之功篤實恭勤簡在朕志進遷
位等其往懋哉可

石遇四廂都指揮使制

勅虎賁之士周公以為人主所當知恤者也又况所使
將此哉具官某比以材選服勞於邊折衝禦侮當有所

試矣遷進使號付之部督往其欽任以保寵榮可

舜卿四廂都指揮使制

勅國家置帥兵以為衛所選者皆天下之材付部督未
嘗輕其授者也具官某踐更邊要忠力有聞遷將營屯
衆論惟允序遷厥位其往欽哉可

權江淮等路發運副使刑部員外郎盧東可依

前官充集賢殿修撰差權江淮等路發運使制
勅具官某褒善序最朝廷大公况吾信任才良之臣有

欽定四庫全書

王範公集
卷二

歲月賢勞之效榮任寵數其可後乎爾文學吏能屢見
推擇出總使事休顯有聲麗正論議之官宿學譽髦之
選今以命汝茲惟異恩往其欽承愈務報稱可

翰林醫官副使殿中省尚藥奉御仇燕可依前

殿中省尚藥奉御充權易副使制

勅具官某古者饒廩稱事然後能者勸而不能者勉是
以醫師之職歲終稽其醫事以制食焉爾世服厥官祇
奉官省原診察色調養有勞予嘉汝能進貳使扶愈期

勉懇恩稱恩榮

內殿崇班曹謹可特授供備庫副使制

勅爾惟近親躬迪義訓躋進官等時廼寵章非特推廣外族之私庶幾上稱神靈之意可

西京左藏庫副使王孝忠可降授供備庫副使

制

勅某備屬工官率職弗謹制作苦窳罔或察知奉事寢園失於料簡曠壞若此當寘明刑降秩示恩勿忘備省

欽定四庫全書

五經公集

九

可

內殿崇班屈黃可供備庫副使制

勅某奮不顧身深探賊穴遇敵挺鬪斬賊而還忠勇可

嘉往膺遽寵可

內殿承制張偕可供備庫副使制

勅某偏師凱入幕府第勞數職則多實應敷格遷官一級以寵武功可

入內內殿承制衛諤光可入內內侍省供備庫

副使制

勅具官某計其歲月考其功緒以叙進羣吏雖有司之常格然非率職厲行克保舉處不足以致此惟爾祇事官省夙夜恪勤會課當遷列於使秩往其欽佩尚有異恩可

引進副使定州兵馬鈐轄周永清可客省副使

制

勅爾備使省閤出領將也忠勇材謀見稱於世有司錄

欽定四庫全書

五經公集

十

最應令當遷就易寵名往其祇載可

右正言知制誥王存可承議郎加上騎都尉丹

陽縣開國男食邑三百戶制

勅朕推大慶於萬國不遺於遐疏而況左右侍從之臣居討論潤色之地寵章徽數其可後乎具官某文學之華行義之實有聞于世簡在朕心肅雍齊明相時宗祀進勲序爵其往懋哉可

崇儀使忠州刺史彭孫可依前忠州刺史充六